

KINEOSAK -NA KUON KIPUM- KHATNA

Simmun 4: January 24, 2026





"Ka kipana hi
suchamkim un,
lungthim kithakhat
in, ngailutna chu
neichieh in, thukhat
kisa uvin, lung khat
hi uvin."

Philippi 2:2




Paul in Philippi houbung mite hinkho hahsat meipi lah a kitah tah a hin ding tiilkhouna anei tan ahi. Vangam mi chonchan a achon uva, lungkhat ahi diuvn ahil diem diem e.


“Hijieh chun” ati chun athusei kiheilutna abol in, hiche kilungkhatna dihtah neitheina ding lampi akomu tai: Christa chonchan vetjui a anei diu chu ahi.



Kibungkhen kipatna (Philippi 2:1-3a)



Kineosahna jal a kipumkhatna (Philippi 2:3b-4)



Jesu lungput bang a (Philippi 2:5)



Jesu lungput umdol (Philippi 2:6-8)

KIBUNGKHEN KIPATNA

"Moh hamhoitho le kiletsah man a imacha bol Louvin... (Philippi 2:3a)



Paul in Philippi houbung mite kibungkhenna kipatna mitmona le lhahsamna aneiho u akokhum masang chun akipana suhchamkim ahina dia ipi thumop pha anapieh masah em (Phil. 2:1-2)?

Christa Lhamuonna

Christa vetjui ding ahi khuolgil leh achonchan tho din atiilkhon e

Ngailut Lhamuonna

Christa ngailutna anei u chun lungthim suthou thahat ape uve

Lhagaova Kiloikhomna

Lhagao thusah jui dia kipedoh ding ahi uve

Kidipdampihna


Mihiem lungsung a um ngailutna dihtah chu atahlah diu ahi

Kilainatpina

Khat chung a ngailut vang in thilpha bol un, kilainatpi muthei hi hen

**Lungput le ngailutna a
pumkhat**

Kingailuttuo chun lungput le natoh kibahna ape e



Hiche ho aneitheina diuvn kibungkhen kipatna apampai diu ngai masa ahi: hamhoitho leh kiletsahna (Phil. 2:3a). Lucifer in douna ahin pat chun hiche hina phalou teni hi ananei ahi; tuni gei hin mihiem khat le khat kipoltheina sunohphah ahi nalai e (Gal. 5:26; Jacob 3:16).

KINEOSAHNA JAL A KIPUMKHATNA

“...kiletsah man a imacha bol louvin, lung nem heocha'n khat in khat chu ama sang a phajo a gel cheh hi uvin. Koiman ama changseh ding mai gel louvin midang ding jong gelkhoh cheh hi uvin.” (Philippi 2:3-4)




Paul in kilungkhat theina hi polam thil hilouvin, lungsung lungput- 'kineosahna' nei a kuon ahi ati. Hichu Jesu chonchan ahi jieh in, mitin kineosah tah hidin atiilkhoh e (Mt. 11:29; 18:4; 23:12).

Kineosahna neitheina ding chun ei sang a midang joh phajo a gel ding ahi ati (Phil. 2:3). Ahin Pathien ang a kibang ihilouvu ham, mijouse thakhat le kibang a ikigel joh diu hilou ham?

Paul in midang sang a nuoinungjo ihi uve ati poi; ahin hiti a chu kigel joh ding ahi atibou e. Soh in apupa lung ahol bang a, eiho sang a phajo a igelho lung ihol diu ahi (Phil. 2:4).

Midang dia phachuom tah hitheina ding chun athusei u ngaipih leh alunggel u hetthiempih masah ngai ahi. Hitobang hi Lhagao Thieng jal a hithei ji ahibou e.



JESU LUNGPUT BANG A



"Jesu Christa sung a cheng lungput chu nangho sunggil a jong cheng ding ahi." (Philippi 2:5)

Lungput iti ineidoh thei ji um? '*lhagao kotpi*' ti a kihe khohettheina tibah ho (*sense organs*) kuon ahi. Isim doh, imu doh, ijah doh jouse chun lungput dol khat ei neisah ji uve. Hite ho a kuon chun Satan in jong ama lungput neidohsah tei ding ago'n ahi.

Paul in vang agelkhoh leh e. Lunggel kiveng tah goh hilouvin, Christa lungput eiho sunggil a umсах din jong ei hilchah uve (Phil. 4:8; 2:5).

Kihambolna jal in amasa joh hi boldoh thei na u hite. Ahin lungput chu Christa a bang hisah theina ding chu Lhagao Thieng jal a bou hung hiding ahi.

Ajieh chu mihiem lungsung hi lhepna dimset ahin, mipui chavai tah ahibou e (Jeremiah 17:9). Lhagao Thieng bouvin hiche lungsung hi Christa lungput bang asothei ahi (Rome 8:1, 5).



“Lhep patepna dou ding bat inei nalai uve. Satan thaangkuol a o-lou ding lunggel nei hon ‘*lhagao kotpi*’ ti a kihe ikhohettheina ho (*sense organs*) ikiven phat ding u ahi; sim ding phalou, vet ding phalou, bil jah ding phalou, lungthim subuoh thei jouse chu izkikhenpi jieng ding u ahi. Lhagao melmapa duha a lhalut thei ding sadiem lungput kilong lele nei ding ahi poi”

JESU LUNGPUT UMDOL (1)

"Aman Pathen lim le mel aput jing jieng vang in, Pumhat a Pathien to kibah ding agel naisai poi" (Philippi 2:6)

Paul in Jesu hina 3 atahlah e:

Pathien ahina jong akiletsahpi poi (Phil. 2:6)

Midang jenle a pang din mihiem lim in ahung e (Phil. 2:7)

Thina gei in akineosah in, thu'n anung e (Phil. 2:8)




Siempa ahivang in thilsiem khat mel ahin po tai. Ei huhdohna diuvin bolsiet leh thingpel a thina jong akisaan tai.

Pa Pathien leh Lhagao Thieng toh kibang ahivang in, Pa lungdei bol dia akipiehlut chu thununna chamkim tah ahi. Athununlouna khat jong umlou ahi.

Christa lungput umdol hi akidang in, ei huhhingpa u ang a bohkhup a chibai ding bou chu ibol diu umsun chu ahi.

Ama bou vetjui tah chu ahin, ama bang a kineosah leh midang dia kipiehdohna hinkho inei diu dol ahi tai.



JESU LUNGPUT UMDOL (2)

**"Pathien hou thuguh kiphuongdoh aletdol chu hiche ahi:
"Ama tahsaphe'n akiphuongdoh in, Lhagaovin thiem aching
tan; Vantilte mitmu'n aum doh in, Chitin namtin lah a
seiphuong in aum in, Vannuoi ah mi'n atahsan tan, Loupina
lah touvin aum tai." (1 Timothy 3:16)**

**Christa mihiem melpu a, kineosah tah a, ahung jieng chu
lhatsate'n atuonsot atuonsot a akhuolgil ding u thuguh
kidang tah chu hiding ahi.**

**Beitheilou leh tuonsot a um jing chu tuimei bang bep
mihiem ahung so jieng a, thina khut a akipiehlut chu
kidang chungnung ahi. Hichu Paul in "*hou thuguh*" ati ahi.
(1 Tim. 3:16).**

**Van le lei a chungnung pen ahina apat mihiem lah a nuoinung
pen in Jesu ahung um tai. Hichu thilsiem ahina kuon Pathien
hi ding ngaito Lucifer hina toh kikhedel jieng ahi.**

**Ama bang a changseh ding le jenle a um ding dei sang a
kineosah tah a mi jenle a pan ding igel joh ding u ahi.**



“Pathien in mi jouse mimal hina lhingset neitheina tha ape chieh e. Midang khat lungput achamlouva aput jieng ding aphalpih poi. Tahsa le lungthim kikhelna dihtah nei ding deisah hon mite velouva Pathien joh vetjui a anei diu ahi.

Pathien in amitakip atiem jing e- “*Jesu Christa sung a cheng lungput chu nang ho sunggil a jong cheng ding ahi*”. Lungput le chonchan kikhelna kuon Christa lungput dihtah inei thei ding u ahi.”

EGW (That I May Know Him, May 8)